



**Namminersorlutik suliffeqarfiutillit immiaaqqanik, viinninik imigassallu kimittuunik eqqussisinnaangornissaat anguniarlugu Nioqutissanik eqqussuineq annissuinerlu pillugit Inatsisartut inatsisaat nr. 18, 30. oktober 1992-imeersumut Naalakkersuisut allannguutissat siunnersuuteqarnissaanik peqquneqassasut Inatsisartut aalajangiiffigisassaattut siunnersuut.**

(Inatsisartunut ilaasortaq Jens-Frederik Nielsen, Demokraatit)

(Siullermeerneqarnera)

Qujanaq Demokraatit Inatsisartunut ilaasortaataitaannut Jens-Frederik Nielsenimut siunnersuummut pitsaasumut.

Demokraatit sulipput innuttaasut inuunermi kiffaangissuseqarnerunissaat amerlanernillu toqqagassaqaarnissaat anguniarlugu. Inatsiseqarpallaarpugut malittarisassaqaarpallaarlutalu, inunnut ataasiakkaanut kiffaangissuseqarnissamik killilersuisunik. Taamaattut unitsittariaqarpagut – ingammik malittarisassat isumaqanngikkaangata.

Jens-Frederik Nielsen isumaqatigaarput oqarmat, innuttaasut immiaaqqanik, viinninik imigassanillu kimittuunik nunani allani pisiniarfinit pisisinnaatitaanissaanik. Tamanna inatsisaattuliornerusariaqanngilaq.

Iluarisimaarparput, Naalakkersuisut siunnersuut ilalernatimmassuk, iluarinngilarpulli Naalakkersuisut siunnersuut innuttaasut kaasarfianniit aallernissamut atorusummassuk nutaanik akitsuusiinikkut akiliuteqartitsinikkullu. Naalakkersuisut inuinnaat immiaaqqanik, viinninik imigassanillu kimittuunik equssinissaannut akitsuuseqqinniarnarat ajorluinnartutut isigaarput, tamannalu siunnersuummi ilanngunneqartariaqarani.

Una siunnersuut akuerisigu innuttaasullu kiffaangissuseqarnerulersillugillu amerlanernik toqqaassaqaarnerulersitsigit.

Taamatut oqaaseqaateqarluta siunnersuutip akuerineqarnissaa innersuussutigaaarput Aningaasaqarnermut-Akilerartarnermullu ataatsimiititaliamut suliareqqitassatut ingerlateqqitassanngorlugu.